

# In vair cumbattant per il rumantsch

DA GION NUTEGN STGIER / ANR

■ **Bunamain 20 onns è Jon Domenic Parolini, a partir da l'emprim da schaner nov cusseglier guvernativ, stà president dal cussegl da fundaziun da l'Agentura da novitads rumantscha (anr). Cun esser vegnì elegì el en la regenza sa retira l'Engiadinais da quel uffizi da president suenter avair prestà buna e seriusa lavur a favur da la pressa rumantscha ed er per l'entira Rumantschia. Tar ils editurs da diversas gasettas, tar il chantun e tar la Lia Rumantscha avain nus fatg ina retschertga e vuli savair dals exponentes tge merets ch'il president partent ha gì per la pressa rumantscha e la Rumantschia?**

**Urs Cadruvi, secretari general Lia Rumantscha**

Jon Domenic ha realisà sco collavuratur da la Lia Rumantscha ils emprims Cafés



rumantschs en l'Engiadina e natiralmain er a Scuol. Durant ils onns 2012 e 2013 ha il nov cusseglier guvernativ er presidià la gruppa rumantscha dal cussegl grond. En questa funcziun è Jon Domenic Parolini s'engaschà fermamain per infurmar e sensibilisar la fracziun rumantscha davart impurtants fatgs e svi-lups politics concernent il rumantsch.

**Filip Dosch, president Uniun Rumantscha da Surmeir**

Sco president dal cussegl da fundaziun da l'Agentura da novitads rRumantscha è



Jon Domenic Parolini stà cumpetent. El è stà en tuttas modas e manieras ina persona neutrala ed er fatg valair sia posiziun neutrala. Er quai che pertutga il sustegn da la Pagina da Surmeir ha Jon Domenic Parolini adina gì ina tenuta positiva e

tschertga soluziuns per sustiegnair l'ediziun da quella. El è adina stà per il rumantsch ed en gremiums politics ed auters, adina s'engaschà cun premura per la Rumantschia e per la pressa rumantscha.

**Walter Urs Gammeter, Gammeter Druck SA**

Jon Domenic Parolini è stà decisivamain responsabel ch'ils divers interess dals



clients da l'Agentura da novitads rumantscha, da las uniuns linguisticas, da las instanzas chantunalas e federalas èn vegnids schliads neutral, equilibrà ed orientads vers il futur. Sco superiur per ils divers clients da l'Agentura da novitads rumantscha ha el savens preschentà e quai equilibrà e cun ina tscherta distan-za tar ils affars da mintga di soluziuns, per las pretaisas dad oz, envers ina pitschna, dentant impurtanta agentura da novitads per ils interess rumantschs.

**Martin Jäger, cusseglier guvernativ**

Cun la midada da l'onn 2012/13 avain jau e Jon Domenic Parolini pudì sutta-



scriver ina nova cunvegna da prestaziun tranter mes departament e l'Agentura da novitads rumantscha. Avant avain nus però suenter ina pli dira stenta persvas il cussegl grond d'augmentar per 100 000 francs la contribuziun per l'anr. In augment uschè grond è betg evident. Sco da lez temp, president da la fracziun rumantscha e sco president dal cussegl da fundaziun da l'Agentura da novitads rumantscha hai jau enconuschì Jon Domenic Parolini sco in cumbattant persistent e cun success per ils interess da sia lingua materna. Jau sun cun el persvas che las infurmaziuns rumantschas quotidianas en pled ed en scrit en in mument central per la promoziun e

per il mantegniment da nossa trilinguitad.

**Andrea Masüger, directur Somedia SA**

Il president partent dal cussegl da fundaziun da l'Agentura da novitads



rumantscha ha manà quella en moda quieta, ponderada, senza grondas agitaziuns e quai en temps pli calms sco er pli selvadis. Ina organisaziun cun uschè differents interess e partenaris dovra ina direcziun equilibrada e medianta. Sut presidi èsi reussì da megliar divers aspects e cunzunt d'augmentar il sustegn dal maun public per las medias rumantschas. A Jon Domenic Parolini èsi adina gartegià da sensibilisar e da persvader la politica e la publicitad per ils giavischs dals Rumantschs e da profitar concret. Ses successur vegn betg ad avair uschè lev.